



ERREGISTRO-LIBURUAK ERAMATEARI BURUZKO INFORMAZIO-OHARRA

2. LIBURUA

ARDOAREN SARRERA ETA IRTEEREN ERREGISTRO-LIBURUA, ELABORAZIO-PROZESUAK DITUZTEN MAHASTIZAINZAKO ETA ARDOGINTZAKO PRODUKTUENA (ARDO APARDUNA, ARDO APARDUN GASIFIKATUA, ARDO PINDARTSUA, LIKORE-ARDOA, MAHATS-MUZZTIOA ETA BESTELAKOAK), eredua, 1308/2013 (EB) Erregelamenduak, 2018/273 (EB) Erregelamendu Delegatuak eta 2018/274 (EB) Betearazpen Erregelamenduak eragindako 2025eko maiatzaren 15eko Ebazpenaren 3. eta 4. eranskinen arabera.

Erregistro-liburu honek bi zati ditu. Lehen zatia (lehenengo 60 folioak) ontziratutako gabeko produktuen sarrera eta irteeren mugimenduari aplikatzen zaio. Bigarren zatia (azken 40 folioak) botilaratutako produktuen irteerei aplikatzen zaie.

1. Erregistro-liburuaren lehen zatia: Ontziratutako gabekoen sarrerak eta irteerak:

- Erregistro-liburuaren lehen idazpenean, mota eta ezaugarri bereko produktu bakoitzaren benetako izakinen "Sarrerak" idatziko dira, upeltegiko edukiera kalkulatuta.
- Urte bakoitzeko **uztailaren 31n** itxiko da liburua, eta urteko balantzea lortuko da. Saldoa erregistratutako ardogintzako produktu bakoitzaren sarrera eta irteeren batukarien kenketa izango da. Itxiera-idazpenaren (urteko balantzea) eta "Sarrerak" orrian dagoen irekiera-idazpenaren (izakinen edukiera kalkulatua) artean **orekarik ez** badago, erregularizazio-idazpen bat egin beharko da, produktu bakoitzaren kantitate-diferentzia eta arrazoia zehaztuz. Hala badagokio, beharrezko neurri zuzentzaileak hartuko dira eta enpresak sortutako dokumentazioa gordeko du.
- Kanpaina bakoitzaren **irekieran, abuztuaren 1ean**, "Sarrerak" orrian benetako izakinak agertuko dira, upategian data horretan mota eta ezaugarri bereko mahastizaintzako eta ardogintzako produktu bakoitzaren kalkulaturako edukierari dagozkienak.

- Erregistro-liburuan, ardogintza produktuen **sarrera edo irteera bakoitzari dagozkion datuak** jasoko dira, 3. eranskinean agertzen denaren arabera: eragiketaren data, agiri osagarriaren mota eta erreferentzia-zenbakia, jatorria edo helmuga (bidaltzailearen edo hartzailearen izena edo sozietate-izena adierazita), mahastizaintza-eremua, produktuaren kantitatea, gordailuaren identifikazioa, produktuaren partidaren barne-kodea, alkohol-graduazioa eta oharrak.

"Barne-kodea" egileak sortutako erreferentzia bati dagokio, mahastizaintzako eta ardogintzako produktua identifikatu ahal izateko. Gordailuetan agertu behar duen bera da. Edukia identifikatzeko aukera eman behar du, trazabilitate-erregistro eta dokumentuen laguntzarekin.

- Lokaletako **muztio**-sarrerak erregistro-liburuan islatuko dira, eguneko idazpen baten bidez (litro).
- Botilaratzera doan ardoaren irteeretan, *"Helmuga"* laukian botilen kopurua ere adieraziko da.
- **Enkarguz botilaratzen** bada, nahitaezkoa izango da botilaratzailearen izena eta helbidea idaztea (botilaratzean inplikaturako beste pertsona fisiko edo juridikoarena).
- Etiketetan, **aukerako aipamen baimenduetan** eta oharren laukitxoan sartzeko eskubidea erabiltzeko, **aipamen horiek partidaren mugimendu bakoitzean** zehaztu beharko dira. Adibidez: mahats-barietatea, elaborazio-mota, ardoaren jatorri geografikoaren aipamenak, etab.
- Zenbatekoagatik, helburuagatik edo beste arrazoiren batengatik zirkulaziorako **agiri osagarriak behar ez duten partidak** egunero idatziko dira liburuan, salbuespenaren arrazoia adierazita.
- Produktu erregistratuak biltegiarazetik eratorritako **galerek**, bai eta jasan dituzten **manipulazioetatik** eratorritzen diren normalak ere, urtean *"Irteerak"* idazpena eragingo dute, murriztutako kopuruagatik. Erregistro-liburua itxi baino lehentxeago egingo da idazpen hori, eta zenbatekoa ezin izango da kanpaina bakoitzeko *"Sarreraren"* bolumen osoaren % 2 baino handiagoa izan.
- Produktu bat manipulatzeko istripu bat gertatzen bada eta horren ondorioz produktua **osorik edo zati batean galtzen bada**, Elikagaien Kalitate eta Sustapeneko Zuzendaritzari jakinaraziko zaio, hura gertatu eta hurrengo egun baliodunetik **48 orduko** epean.

- Era berean jokatu da onartutakoak (% 1,5) baino **desadostasun** handiagoak dituzten produktuak **jasotzen** direnean; izan ere, kantitate errealak idatzi behar dira, baldin eta akats horiek direla-eta produktua atzera botatzen ez bada

2. Erregistro-liburuaren bigarren zatia: Botilaratuen sarrerak eta irteerak:

- Erregistro-liburuaren **lehen idazpena** mota eta ezaugarri bereko produktu bakoitzaren **botilaratutako** izakinen **"Sarrerak"** oharpena izango da. Kontuan izan behar da **etiketak dituzten eta etiketarik ez duten botilen kantitateak** hainbat zutabetan agertzen direla
- Urte bakoitzeko **uztailaren 31n** liburua **itxiko** da eta urteko balantzea lortuko da. Saldoa erregistratutako botilaratutako produktu bakoitzaren sarrera eta irteeren batukarien kenketa izango da. Itxierako idazpenaren (urteko balantzea) eta irekierako idazpenaren (upeltegiko benetako izakinen edukiera kalkulatu) artean **"Sarrerak"** orrian **bat egiten ez** bada, **erregularizazio-idazpen** bat egin beharko da, produktu bakoitzaren kantitate-diferentzia eta arrazoia zehaztuz. Hala badagokio, **beharrezko neurri zuzentzaileak** hartuko dira eta enpresak sortutako dokumentazioa gordeko du.
- Kanpaina bakoitzaren irekieran, **abuztuaren 1ean, "Sarrerak"** orrian, mota eta ezaugarri bereko botilaratutako produktu bakoitzaren **benetako izakinak** agertuko dira, data horretan upeltegian kalkulatuak.
- Erregistro-liburuan, **"Sarrerak"** orrian, **botilaratze-sarrerak eta/edo etiketatze-sarrerak bereizita** idatziko dira eragiketa horietako bakoitza egiten den **egunean**, eta data berean egon daitezke edo ez. Nolanahi ere, 2. eranskinean agertzen den bezala, bi eragiketetan, data, kopurua eta botila kopurua ez ezik, produktuaren izendapenaren **datuak** ere jasoko dira: kolorea, urtea eta barne-kodea. Etiketatze-eragiketan, gainera, lotea eta oharren atalean etiketan agertuko diren baimendutako aukerako aipamenak jasoko dira.

Liburuan, botilaratutako ardoen sarrerak elaborazio praktika guztiak amaitu dituzten produktu amaituei buruzkoak dira.

Adibide gisa, bi prozesu desberdin biltzen dira:

a.- **Egun berean** botilatzea eta etiketatzea (bi lote botila desberdinekin).

b.- Egun desberdinetan botilatzea eta etiketatzea

ERAGIKETA-DATA BOTILARATZEA ETA/EDO ETIKETATZEA FECHA DE OPERACIÓN: EMBOTELLADO Y/O ETIQUETADO	ONTZIRATUTAKO - EMBOTELLADO KORPURUA ETA BOTILAK CANTIDAD Y BOTELLAS		PRODUKTUAREN IZENDAPENA DESIGNACION DEL PRODUCTO			ETIKETATZEA - ETIQUETADO KORPURUA ETA BOTILAK CANTIDAD Y N.º BOTELLAS			OHARRAK OBSERVACIONES
	KOPURUA (L) CANTIDAD (L)	BOTILA ZK N.º BOTELLAS	KOLOREA COLOR	AÑADA URTALDIA	BARNE KODEA CÓDIGO INTERNO	KOPURUA (L) CANTIDAD (L)	BOTILA ZK N.º BOTELLAS	ETIKETATZE- LOTEA LOTE DE ETIQUETADO	
A) 01/03/2024	1000	1333	BLANCO	2022	BL -22TEVI	750	1333	L-0124	METODO TRADICIONAL SECO
A) 01/03/2024			BLANCO	2022	BL -22TEVI	250	333	L-0125	METODO TRADICIONAL SECO
B) 10/04/2024	1000	1333	BLANCO	2023	BL-23CH13				BRUT
B) 20/05/2024			BLANCO	2023	BL-23CH13	450	600	L- 3T24	BRUT
B) 01/05/2025			BLANCO	2023	BL-23CH13	550	733	L-3T28	BRUT

- Erregistro-liburuan, **"Irteerak"** orrian, **botilaratutako** produktuen irteera-kantitateak zutabe desberdinetan idazten dira (behar ala ez) dokumentu osagarrian. Kolorearen, urtearen eta lotearen arabera bereiziko dira. Produktu-lote bereko irteerak **gehienez 30 egunez** metatu ahal izango dira, baldin eta irteerak une oro kontrolatu ahal badira agiri osagarrietan, fakturetan edo egiaztatzen duten bestelako merkataritza-**dokumentuetan** oinarrituta, **arauan jasotako salbuespenen kasuan izan ezik**.

Ohar honetan jasotzen ez diren erregistro-epeak 2018/273 (EB) Betearazpen Erregelamenduaren 20. artikuluan eta Euskal Autonomia Erkidegoko Nekazaritza eta Arrantza sailburuaren 1996ko ekainaren 4ko Aginduaren 6. eta 10. artikuluetan agertzen dira.